

Naqqiut

Siusinnerusukkut 23. august 2021-mi nassiunneqarsimasumut taartaasoq.

(Naalakkersuisup taaguutaa allanngortinneqarpoq naalakkersuisoqarfiit allanngortinneqarnerisa kingunerisaanik)

Matumuuna Inatsisartut suleriaasianni § 33 najoqqutaralugu aalajangiiffigisassatut siunnersummik matuminnga Naalakkersuisut saqqummiussaqarput.

**Aningaasaateqarfiit aamma peqatigiiffiit ilaat pillugit inatsisip allanngortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilernineqarnissaat pillugu Namminersorlutik Oqartussat akuersissuteqarnissaat pillugu
Inatsisartut aalajangiiffigisassatut siunnersuut
(Piginnittuiit pillugit malittarisassiat atuutsilerneri aalajangersakkallu attuumassutillit nutarsarneri)**

(Inuussutissarsiornermut Niuernermullu Naalakkersuisoq)

Aalajangiiffigisassatut siunnersuutip imarisai

Kalaallit Nunaanni piginnittuiit pillugit malittarisassianik naammassisqaarniartutut inuussutissarsiorfinnut tunngatitatut Kalaallit Nunaanni inatsisaasunik annertunerusumik nutarsaanermi peqqussutit ilaapput. Piginnittuiit imaluunniit timalitattut inuit tassaapput naggataagut toqqaannartumik imaluunniit toqqaannartuunngitsumik piginnittutut pigisanik imaluunniit taasisinnaatitaanermik pisinnaatitaaffinnik naammattumik pigisaqarnermikkut sulifimmik piginnittuuusut imaluunniit aqutsisuusut, allatulluunniit periusaasut ikorsiullugit aqutsisuusut.

Piginnittuiit pillugit malittarisassianik atuutsitsilernikkut suliffeqarfennik piginnittoqarnerup ilusaanik annertunerusumik paasinnissinnaasoqalissaq. Taamaattumik siunissami ingerlatseqatigiiffiit ilusilersugaaneri paasiuminaatsut aqqutigalugit sulifimmik piginnittuunerup takujuminaallisnarnera ajornarnerulissaq, aammalu nunani akileraarutigisassanik toqqorteriffinni aningaasaatinik toqqortaqtarnissamik akiuissapput.

Aalajangersakkat nutaat ingerlatseqatigiiffinnik suliassaqarfimmi piginnittuinnik nalunaarsuisarneq pillugu piumasaqaatit eqqunnerisigut nukitorsakkatut aqtsineq aqqutigalugu akileraartarnermik pisortat aningaasatigut peqquserlunnermut piaernerusumik toqqartuinerusumillu iliuuseqartitsisinnaassapput.

Taamaalisukkut aningaasaleriffimmi pinerluttoqarnermut atatillugu ujaasisinnaanermut periarfissat pitsangorsaavagineqassapput, aammalu pinerlunnikkut pissarsianik malunnarunnaarsaanermik aamma qunutitsilluni anguniaqarnermik aningaasaliinermik pinaveersaartitseqataassallutik.

Suliffeqarfinni piginnittuinnik nalunaarsuisussani ilaapput:

- Ingerlatseqatigiiffiit, suliffeqarfiit aamma aningaasaateqarfiit (aktianik piginneqatigiiffiit (aktieselskab), inuussutissarsiutnik ingerlatsisutut aningaasaateqarfiit, anpartsselskabit il.il.).
- Aningaasaliisartutut suliffeqarfiit (atingaaseriviit, taarsigassarsisitsiniartarfiit (realkreditinstitutt), sillimmasiisarfiit (forsikringsselskaber) il.il.)
- Inuussutissarsiutnik ingerlatsisuunngitsutut aningaasaateqarfiit (atingaasaateqarfiit inatsisitigut pilersitat, legatit, suliffeqarfiit imminut ingerlatittut, il.il.)
- Peqatigiiffiit aalajangersimasut (sulisitsisut peqatigiiffi, sulisartut peqatigiiffi kattuffiillu assingusut allat il.il.).

Ingerlatseqatigiiffinnut inatsisitigut suliassaqarfimmi Danmarkimi aamma Kalaallit Nunaanni inatsisaasut ilarujussui nunat tamalaani inatsisaasunik, ilanngullugillu minnerunngitsumik EU-mi malittarisassianik tunngaveqartinneqarput.

Taamaalisukkut oqaluuserisassani UKA2021/124/125 aamma 126-ni kunngip peqqussutaatigut Kalaallit Nunaannut atuutsitsilersutut ingerlatseqatigiiffiit pillugit inatsisip allanngortinnissaa, sulliviit inuussutissarsiuttit ingerlatat ilaat pillugit inatsisip allanngortinnissaa, aamma inuussutissarsiutgalugu aningaasaateqarfiit pillugit inatsisip allanngortinnissaa pillugit Namminersorlutik Oqartussat inatsisinik assigiinngitsunik akuersissuteqarnissaat pillugu Inatsisartut aalajangiiffigisassaattut siunnersuutnik Naalakkersuisut saqqummiussiniarput.

Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiinik ingerlatsisarnerup oqisarnissaa pillugit EU-mi malittarisassiat piviusunngortinnissaat pillugit Folketingip Kalaallit Nunaannut inatsisissatut siunnersummik akuersissuteqarnissaanik Namminersorlutik Oqartussat akuersissuteqarnissaat pillugu ataatsimiinnermi matumani aalajangiiffigisassatut siunnersummik Naalakkersuisut saqqummiussaqarsimapput. Kalaallit Nunaanni piginnittuiit pillugit malittarisassianik equssiniarluni inatsisini katersasuni tamarmiusuni inatsisissatut siunnersummik piviusunngortitsineq ilaavoq.

OECD-mik Kalaallit Nunaata attaveqarnerata malitsigisaanik akileraartarnermik oqartussaqarfiit akornanni paasissutissanik paarlanteqatigiittarnermik suleqatigiiffimmi Financial Action Task Force on Money Laundering'imi (FATF-imi) aamma Global Forum'imi pinerlunnikkut pissarsianik malunnarunnaarsaanermik akileraarutinillu akiliinissamik pinngitsuuiniartarnermik akiuisarneq pillugu suleqatigiinnermi peqataanerup malitsigisanik nunat tamalaani pisussaaffigisanik Kalaallit Nunaata malittarinssinnaanissaanik inatsisit katersat piviusunngortinneri qularnaariniarput.

Inatsisaasut atuuttut

Piginnittuinnik inatsisitigut siusinnerusumi inatsisilersuisoqarsimanngilaq.

Siunnersuummi pingaarcerutitat

Aningaasaateqarfait aamma peqatigiiffiit ilaat pillugit inatsisip allanngortinnejarnissaanut inatsisit assigiinngitsut Kalaallit Nunaannut atuutilersinneqarnissaat pillugu peqqussutikkut piginnittuuit nalunaarsornissaat pillugit malittarisassiat atuutsinneqalerput. Piginnittuui pillugit malittarisassiat saniatigut Kalaallit Nunaannut aningaasaateqarfinnut inatsisip atuutsinneqalernerata kingornatigut Danmarkimi atuutsitaalersimasutut aningaasaateqarfinnut inatsimmi allannguutit attuumassuteqartut sinneri atuutsinneqalerput.

Peqqussutip imarisai pillugit itisiliisutut paasissutissanut uteeqqiineq innersuutigineqarpoq.

Pisortanut aningaasaqarnikkut allaffissornikkullu kingunerisinnaasat

Aalajangiiffigisassatut siunnersuutip pisortani oqartussaasoqarfait sunniivigissavai, ingammilli nunani allani akileraartarnermut pisortanik akileraartarnermut pisortat suleqatiginninnerat nukitorsarneqassaaq.

Namminersortutut inuussutissarsiorfimmut aningaasaqarnikkut allaffissornikkullu kingunerisinnaasat

Nalunaaruteqartarnissamut annertusisatut piumasaqaateqarnikkut inuussutissarsiorfimmut aalajangiiffigisassatut siunnersuut aalajangersimasunik aningaasaqarnikkut allaffissornikkullu kingunerisassaqassaaq.

Innuttaasunut aningaasaqarnikkut allaffissornikkullu kingunerisinnaasat

Soqanngilaq.

Tusarniaaneq

Aalajangiiffigisassatut siunnersuummi ilaasutut inatsisinik assigiinngitsunik taakkuninnga Kalaallit Nunaannut atuutsitsilernissat pillugit peqqussutinut allaqqaakkat piffissami 1. juuli 2021-mit 30. juuli 2021 tikillugu ilanggullugulu tamanut ammasumik tusarniaassutinut nittartakkami tusarniaassutaasimapput, kiisalu tusarniaasarfittut illua'tungerisanut attuumassutilinnut nassiunneqarsimallutik, takuuq tusarniaanermut allakkiaq.

Ilanngussat

Ilanngussaq 1: Aningaasaateqarfait aamma peqatigiiffiit ilaat pillugit inatsisip allanngortinnejarnissaanut inatsisit assigiinngitsut atuutilersinneqarnissaat pillugit peqqussut

Ilanngussaq 2. Eqikkaaneq

Ilanngussaq 3: Tusarniaanermut allakkiaq